

SA MINIERA DE INGURTOSU – parti 1



Fintzas de is tempus antigus sa zona de su campidanu de mesu e cussa de Arbus fiant sfrutadas po ndi bogai sa prata, su zingu e su prumu.

In s'Otuxentus nascint is primus minieras e fintzas oindì ndi abarrant is arrestus.

In Arbus si podint bisitai is complessus mineràrius de Ingurtosu e Monibèciu.

SA BIDDA DE INGURTOSU



Sa bidda de Ingurtosu s'agatat a sa fini de sa baddi de "is animas" e acabat cun is dunas de Piscinas.

Oi est una bidda disamparada, ma in su passau ddoi fiat una de is minieras de prus importu de totu sa Sardigna, aundi biviant giai 5000 personas: traballàt cumentu su tzentru de diretzioni de sa miniera de Ingurtosu e Gennemari.

In unu logu prus artu de is àteras domus ddoi fiat unu palatzu nau "su casteddu", aundi nci fiant cussus chi ghiànt is traballus.

S'atividadi de estratzioni est inghitzada in su 1858 e est arribada a sa spainadura prus arta in su cumentzu de su de XX sèculus, candu sa miniera fiat de is ingresus.

A s'inghitzu de is annus '50 fiat cumentzada una crisi chi iat portau a sa serrada de is impiantus apustis de binti annus.

Sa crèsia de Santa Bàrbara, cunsagrada a sa patrona de is minatoris e incingiada su 21 maju 1916, fiat fabricada cun su dinai e sa punna de Lord Brassey.